



partii naleraq

Nuuk 11. oktober 2018
UKA2018/194
Hans Enoksen Partii Naleraq

Kalaallit Nunaanni aalisarnermi pisarineqartut isumalluutininik atuineranut akitsuutaat pillugit Inatsisartut inatsisaattut siunnersuut
(Aningaasaqarnermut Naalakkersuisoq)

Kalaallit nunaanni aalisarnermi pisarineqartut isumalluutininik atuineranut akitsuutaat pillugu Partii Naleqqamiit oqaaseqarfigissavarput.

Aalisarnermik inuussutissarsiuteqarnerput nunatsinni ataatsimut isigalugu qujanartumik ingerlalluurtut oqaatigigaanni ajunngitsutut taaneqarsinnaavoq, soorunami sumiiffiit ilaanni aamma aporfissat annikigisassaannngitsut naammattorneqartaraluartut, aalisagarluarnerata ajunngitsumiik sunniuteqarnera qujamasuutissavoq.

Sinerissami aalisartut ingerlalluarnissaat tamatsinnut assut pingaaruteqartoq oqaatigerusupparput, pingaartumik tunisassiorfinnut tulassuinerit eqqarsaatigalugit. Tassanilu qalerallinniarneq saattuarniarneq rejerniarneq saarullinniarnerlu suliffissaqartitsineranut assut pingaaruteqartoq nunami suliffinnut imaanilu aalisariutinut inuttanut suliffissaqartitsilluarnerat nuannaarutissaammat oqaatigerusupparput.

Aalisakkanik akitsuutininik ilaatigut appaanissamik siunnersuuteqarneq iluarisimaarlugu Naalakkersuisunut oqaatigerusupparput ilaatigullu qalerallinnut akitsuutip tamakkiisumik peerneqarnissaa siunnersuutigalugu makku pissutigalugit.

Sinerissami aalisartunut piumasaqaataavoq pinngitsoornani sinerissami aalisagartarineqartut tamarmik nunami suliffissuarnut tulaanneqassasut. Taamaaliornikkullu nunami suliffissaqartitsineranut assut sunniuteqartumik pilersuillutik. Tamannalu aamma kommunit aningaasaqarnerannut minnerunngitsumillu akileraarutitigut isaatitsinermi avammullu niuerneramik malunnarluartumik isaatitsinermi tunngaviummata aningaasarsiortitsilluarlutillu.

Tassami aamma toqqaannartumik periarfissaqartinneqanngillat naleqarnerusumik avammut aalisaagartaminnik niuersinnaanermut. Massakkut soorlu oqartoqartaraluartoq aningaasarsiornikkut ingerlalluurtut kisianni tassa aningaasartuutit tamaasa piarlugit naatsorsuutaat ilaatigut amerlagisassaannngitsunik sinneqartortartut takussutissaqartarput.

Aammalu sumiiffit aallaavigalugu ajoraluurtumik aalisartut ilaannut akiluttortitsisarput tassami assersuutigalugu Upernaviup eqqaani unammillerneq unikkaangat ingerlaannartumik akit appartinneqartarput tamannalu aalisartunut assut ilungersunartumik sunniuttarpoq sumiiffiit ilaanni akit qaffasinnerujussuit atortitaasaraluartut Upernaviup eqqaani akit appasinnerujussuit

atortinneqartarput tamannalu akuersaaruminaappoq tassami qaleralik qaleraliuvoq sumiffiit ilaanni akigisaartinneqartartoq taavami sooq Upernaviup eqqaani atortinneqassanngila.

Aammalu Upernaviup ilaatigut ullorpassuit tunisiniarnerminnut atortarpaat, taamaattumik akitsuumik akiliisarnerat nalilersorluagassaavoq ilumut piviusuunersoq taamatut akiliuteqartitsisarneq.

Iluarisimaarparput aamma sinerissami saarullinniat saattuarniat kissavaasarniallu akitsuumik akiliissanngimmata saarullinniarniq ilaatigut akit eqqarsaatigalugit appasippallaarnerat umiatsiararsortunut malunnarluarmat taamaattumik akitsuummik akiliisoqassanngitsoq saqqummiussaaq tamakkiisumik taperserparput.

Taamatut oqaseqarluta aningaasaqarnermut ataatsimiititaliami suliarineqarnissaa innersuussutigaarput.